



**Quæstionum Canonicarum, In Quinque Libros  
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

**Schlüter, Georg**

**Augustæ Vindelicorum, 1702**

Articulus I. De impedimento ex Ordine.

---

[urn:nbn:de:hbz:466:1-73058](#)

## QUÆSTIO VI.

In Titulum VI, qui Clerici, vel voventes matrimonium contrahere possunt.



**H**oc titulo agitur de duplice impedimento matrimonii, nimirum Ordine, & voto; ac exponitur, an, & qualiter non modò Clerici, propter susceplos ordines; sed etiam alii propter emissum aliquod votum, portissimum verò castitatis, Religionis, aut ordines suscipiendi, matrimonium contrahere valeant, aut non valeant.

## ARTICULUS I.

*De impedimento ex Ordine.*

938. Quæstio esse potest, 1. an quatuor minores ordines sic ordinatis prætent, impedimentum ad matrimonium contrahendum? Resp. ex vi eorum præcisè ordinum, nullum illis præstari impedimentum. Nam ejusmodi Clericis conjugia non denegantur c. si qui verò, dist. 32. & c. quia tua. §. si qui. 12. q. 1. item ex c. 1. de Cleric. conjug. quod 4.3. cod. titulo pluribus exposuimus; & ratio est, quia non modò nullum jus positivum id prohibet; sed nec etiam ipsa rei natura. Nam ordo ex se, & naturâ suâ stat non tantum cum matrimonio antè contracto, sed etiam contrahendo. Olim enim in Ecclesia Orientali, & apud Græcos, Clerici minores (hoc est, in sacris ordinibus nondum constituti) matrimonium inire eoque jam inito ad sacros ordines ascendere, & matrimonio uti permittebantur. c. aliter. dist. 31. c. Cum olim. 6. de Cleric. conjug. c. questum. 7. de Ponitent. idem à fortiori sequitur de his, qui primâ solùm tontrâ iniciati sunt.

Quæstio tamen est, 2. an tales Clerici licetè etiam, ut possunt, matrimonia contrahentes, eo contracto beneficia prius obtenta retinere valeant? Resp. Clericum conjugatum esse incapacem beneficiorum;

nam Laicus non est capax beneficij, c. Cum adèò. 17. de Rescript. ac Clericus conjugatus habetur in omnibus, ut Laicus, exceptis casibus expressis. c. unic. b. t. in 6. & ita docet Lessius l. 2. Just. c. 34. d. 21. adeo, ut nec dispensatione Episcopi beneficium etiam simplex obtinere posse; Sanchez cit. d. 42. n. 18. excipe, nisi duxerit Virginem, & perpetuum continentiam vorabit; c. sanè b. t. modò etiam Uxor, vel monasterium ingrediatur, vel saltem votum continentia perpetua edat, quin exposita maneat periculo incontinentia. c. Conjugatus. 5. de Conversi conjugat. juncta Gloss. V. ab illo. Et ideo extra hunc casum, matrimonio, per verba de præfenti, jure contracto, amittit beneficium, quod habuit; cùm sic tacitè illi renuntiet, ut constat ex dictis, de renuntiatione in lib. 1. Sanchez l. 7. Matr. d. 42. à. n. 4. c. 3. b. t. c. diversis. 5. eod. & quidem ipso iure; sic Barb. in c. 1. b. t. n. 2. adèò, ut fructus à die sic contracti matrimonii perceptos, teneatur restituere; nec possit in favorem tertii renuntiare, atque adeo beneficium tali casti statim ipso jure vacare; ita Sanchez cit. à n. 10. & hoc non in poenam delicti; (cùm nullum sit) sed ob incompatibilitatem cum statu matrimonii. Hinc, quando dicitur c. 1. & 3. ejusmodi Clericos conjugatos privandos esse beneficis, intelligi quoad possessionem, cùm iustè derineant. Et quamvis ab initio fuerint habiles ad beneficium, & inabilitate (v. g. irregularitate) superveniente, non perdant ipso iure, perdunt tamen tacitâ renuntiatione, quæ intervenit in hoc casti.

Hoc procedit etiam de pensionibus Ecclesiasticis, si quis habuit talis Clericus, titulo Clericali (nisi sint laicales, & reservata pro officio aliquo compatibili cum matrimonio, ut pulsare campanas, organum &c.) accessu, regressu, & quolibet alio iure ad beneficium Ecclesiasticum, ex Clemenc.

Clementina, Gratiae, de Rescriptis; imo & transactione inter Titularem, & Pensionarium initia, post tale matrimonium, de quo Barb. cit. à n. 6. quod verum est de matrimonio contracto per verba de praesenti, etiam non consummato; nec recuperat, esto uxor religionem profiteatur, vel moriatur. c. quam periculosem. 7. q. 1. cit. Clementinâ Gratiae. Hoc extendunt aliqui eriam ad casum, quo matrimonium est nulliter contractum vel ex defectu solennitatis, vel ob impedimentum occulatum, & ab illo ignoratum, de quibus Barbos. cit. à n. 8. sed probabilius est in hoc casu non privari ipso jure; privandum tamen esse per sententiam, nisi cum ipso dispensetur; Gl. fin. in c. 1. b. t. Sanchez. l. 3. matr. d. 43. Laym. l. 4. tr. 2. c. 14. quia sic non assumitur incompatibilem; Non enim praestat impedimentum, quod de jure non fortitur effectum. Reg. 52. in 6.

939. Not. autem 1. si Clerici in minoribus constituti propter contractum matrimonium beneficiis priventur prius obtentis, debere illis restituiri bona, quae Ecclesiis, in quibus erant instituti, contulerunt. c. quod à te. b. t. Deinde per matrimonium non extingui dispensationem ad beneficium, quo minus illegitimus dispensatus soluto matrimonio virtute illius beneficium obtainere possit; Sanchez. l. 7. de Matr. d. 42. n. 9. Tertiò, solum Papam (non aorem Episcopum) dispensare posse cum Clerico, qui constitutus in minoribus Uxorem duxit, ut beneficium Ecclesiasticum obtineat, etiam si duxerit unicam, eamque Virginem, & Ecclesia alicui deservire velit; ita Pirhing. b. t. n. 20. nam inferior in lege superioris non dispensat, nisi in casu commissi; præsens autem talis non est: nec rectè arguitur ad hunc ab aliis casibus, v. g. quod Episcopus dispensare possit ad beneficium simplex cum homicida, & irregulari. c. ad audientiam. 12. de homicid. vel cum deposito ab ordine, & beneficio c. Salonian. dist. 63. Nam hi casus sunt expressi. 2. in materia exorbitante, qualis est materia dispensationis, non est locus à simili, vel majori, ut dixi alibi.

940. Questio est 3. an, & quale impedimentum matrimonii sic ordinatis præstet ordo sacerdotum? ante resolutionem supponendum. 1. per ordinem hic significari Sacra-

mentum, quo spiritualis potestas significatur, & traditur ordinato, in ordine ad consecrandum corpus Christi. Hoc Sacramentum continet sub se Ostiaratum, Letoratum, Exorcistatum, acolythatum, subdiaconatum, diaconatum, & Presbyteratum. Ex his quatuor primi dicuntur minores, & non sacri; reliqui tres maiores, & sacri ordines; Trid. Seff. 23. c. 2. Dicuntur majores, quia iniciatos tali ordine in majori, & altiori gradu constituunt, quam reliqui primi quatuor, propterea dicti minores: dicuntur sacri, quia habent annexam vel ex voto saltem implicito, vel ex præcepto Ecclesie obligationem servanda continentia, ac illis iniciatos in perpetuum DEO consecrant ita, ut non possint iterum fieri Laici, licet dispensari possint in obligatione continentia, & uxorem ducere, prout dicemus; & tunc, etiam non amissio ordine, sed officio, & Clericali privilegio, evadant quasi Laici.

Supponendum. 2. obligationem servandæ continentia Presbyterio, & diaconatu jam inde à temporibus Apostolorum annexam fuisse, ut pluribus ostendit Bellarmin. l. 1. de Clericis. c. 19. & alii. Subdiaconatu autem antiquitus annexa non erat, ut dicitur c. à multis g. de etate, & qualitate ordinandorum, quia tunc non erat ordo sacerdotum, ut habetur ibid. in textu, ibi: Sacros ordines Diaconatum dicimus, & Presbyteratum: hos siquidem solos primitiva Ecclesia legitur habuisse; & infra ibi: quibus verbis innuitur, quod Urbanus ad statum primitivæ Ecclesie se referens, in quo subdiaconatus sacerdos ordo minimè habebatur, &c. Jam vero certum est, & huic etiam annexam esse, ut constat ex c. nullum. 1. c. preterea. 7. c. quād. 3. dist. 28. c. Cum olim de Cleric. Conjugat. & c. unico de Voto in 6. id quod expresse ait Innocentius III. in cit. c. à multis, ibi: verum cum hodie Subdiaconatus inter Sacros Ordines comparetur.

Supponendum. 3. quodd olim, & antiquitus hoc votum à suscipientibus ordinem sacram expressè emittebatur, ut colligitur ex cit. c. nullum, ibi: nullum facere Subdiaconum presumant Episcopi, nisi qui se victurum castè promiserit; ubi Rubrica ait: ecce ostendimus (nimirum dist. præcedente) quod nolentes vorere continentiam,

tiam, nec ad subdiaconatum, nec ad superiores possunt gradus descendere. Unde ad Subdiaconatum accedentes, non sine voto castitatis jubentur admitti, auctoritate B. Gregorii, qui scribens Petro subdiacono l.1, epistola 42, in fine ait: nullum facere Subdiaconum Episcopi presumant, nisi qui se victurum castè promiserit: jam verò eo ipso, quod quis suscepit ordinem sacram, votum illud tacite emittere censetur; c. quantò c. de his, c. præterea, dist. 28. id, quod amplius ostensum est l. 3. de Cleric. conjugat.

Supponendum 4. obligationem servandi continentiam ex voto; vel etiam, sine voto ex Ecclesiæ præcepto, non autem, ex naturâ rei, nec jure divino sacris ordinibus annexam esse; prima pars probatur ex priori num. secunda verò, quod non ex naturâ rei, constabat ex n. 942, & quod non jure divino, ex n. 943. obligatio porrò, quam habent Clerici in sacris, non est essentiale constitutivum statûs Clericalis, non regularis; ex Trid. Sess. 24. Can. 9. ibi: si quis dixerit, Clericos in sacris constitutos, vel Regulares castitatem solenniter professo, posse matrimonium contrahere, contractumq. validum esse, non obstante lege Ecclesiastica, vel voto, anathema sit. Ubi vides, quod Concilium hanc inhabilitatem tribuat legi Ecclesiasticae, vel voto. Nam statutus clericalis consistere potest substantialiter sine obligatione servandi continentia, vel ex voto, vel ex Ecclesiæ præcepto, aut ex alia lege; de statu Clerici solum in minoribus patet ex n. 938. de statu Clerici in sacris, ex n. 781. hic enim status secundum totam substantialiam simul stare potest non modo cum matrimonio antè contracto, ac ejus usu, ut ibidem dictum est, sed etiam cum contrahendo, i. quia Clericus in sacris, dispensatus ad matrimonium contrahendum, permanente in ipso statu Clericali in sacris, seu ordine sacro, validè, licetque contrahit. Confirmari potest validè ex n. 943. ita D. Thomas. 2.2. referendus infra, n. citato: his præmissis:

942. Ad questionem n. 940. propositam. Resp. ordinem sacrum sic ordinatis præstare impedimentum dirimens matrimonium contrahendum, aut eo non dispensato contractum. Ratio est ex aperto jure; c. Erubescant. 11. dist. 32. ibi: Erubescant

impii, & apertè intelligent, judicio spiritus sancti eos, qui in sacris ordinibus, Presbiteratu, diaconatu, subdiaconatu sunt possiti, nisi mulieres abjecerint, & castè vivent, excludendos ab omni eorum dignitate. c. de diacono, i. b. t. ibi: subdiaconum autem, sive hominem interfecerit, sive non, matrimonium non posse contrahere, sacrorum canonum censura demonstrat. c. Ex literarum 12. eod. c. Unico de Voto in 6. & novissimè ex Trid. Sess. 24. de sacram. matrim. Can. 9. superius relato. Et hoc adeò quidem, ut nec Orientalibus, seu Græcis olim diaconis, liquerit, jure matrimonium contrahere posse suscepimus sacram diaconatus ordinem, prout habetur in c. Cum olim. 6. de Clericis conjugat. & c. si quis eorum. 7. dist. 32. juncta Gloss. in principio. ibi: si quis voluerit nuptiali jure mulieri copulari, hoc ante ordinacionem subdiaconatus faciat. Ex dictis deducitur, obligationem continentia servanda non esse ex naturâ rei annexam Ordini, qui sacer est, alias consistere non possit cum valore matrimonii eo stante contracti. Et quamvis Gonzalez in c. 1. de Clericis conjugal. verius existimet, ordinem sacram ratione sui, & sine ordine ad votum esse. Jure Canonico impedimentum dirimens matrimonii; probabilius tamen est, id non provenire ex ordine sacro ratione sui; sed Ecclesiæ constitutione; id, quod ejus ratio apertè probat. Dum enim ait: verius credo, ordinem sacram ratione sui, & sine ordine ad votum esse. Jure Canonico impedimentum dirimens matrimonii, subiungit: quia si quis ordinaretur cum voluntate non emitendi votum castitatis, peccaret quidem, & ut plurimum maneret obligatus emittere votum ex pacto inito cum Ecclesia, non aliter volente diffensare Sacramentum Ordinis; tamen sic ordinatus non baberet votum castitatis, quamvis inhabilitis omnino foret ad matrimonium contrahendum: ergo inhabilitas non provenit duxata ex voto castitatis annexo Ordinibus sacris, sed ex lege Ecclesiastica, consituente, ut Ordo sacer sit impedimentum dirimens ad matrimonium subsequutum: quare hoc impedimentum vocatur lex Ecclesiastica in Concilio Tridentino Sess. 24. de matrimonio cap. 9.

Ex

Ex hac enim ratione ipsius appetat, dictum authorem vim dirimendi matrimonium attribuere Ordini sacro ex lega Ecclesiae constitue, ut ordo sacer sit impedimentum dirimens ad matrimonium subleatum. Ceterum non appetat, quomodo per aliam rationem probet, quod *Ordo ratione sui præstet hoc impedimentum dirimens?* nam *lex Ecclesiae*, quæ constitutis, ordinatis in sacris, inhabiles ad contrahendum matrimonium, non est aliquid ordinis sacri, nec aliquid inclusum in illo; *Sabdiaconatus enim manet ordo sacer, etiam si tollatur inhabilitas ad matrimonium legitimam dispensatione.* Ad casum autem, quem ponit de suscipiente Ordinem sacram sine animo voendi continentiam, diximus lib. 3. tit. 3. de Cleric. conjug. admitti tamen potest doctrina hujus authoris, si nihil aliud velit, quam quod *Ordo*, in quantum sacer, hoc est, in quantum includit dictam legem Ecclesiasticam, dirimat matrimonium ratione sui, seu ratione illius legis Ecclesiae, quam explicat, ut sacer; ita D. Thomas 2.2. q. 88. a. 11. in corpore, ibi: *non est autem essentialiter annexum debitum continentie ordini sacro, sed ex statuto Ecclesiae.* Deducitur 2. Ordini, qui sacer est, nec jure positivo divino, annexam esse obligationem continentia. 1. quia id nullo sacrae scripturæ texu probatur; nec etiam jure divino tradito; 2. quia alias Pontifex non potuisset indulgere Orientali Ecclesiae quando votum vel obligationem continentia non admisit; cuius tamen contrarium constat ex c. *Cum olim 6. de Clericis conjugat.* quia si esset juris divini, Tridentinum loquens de hac materia, non exprefisset *solum Ecclesie constitutionem*, nulla mentione juris divini; ex quibus tandem concluditur, illam servandæ continentia obligationem ordinato in sacris annexam esse *sola Ecclesia constitutione*; arque adeo autoritate Summi Pontificis cum ordinato in sacris dispensari posse in obligatione servandi continentiam; etiam in lego *solum Ecclesiastica tutò dispensaret Pontifex ex causa.*

Quæstio est 4. an illa obligatio, quæ incumbit Clerico in sacris ordinato ad servandam continentiam, immediatè proveniat ex voto, mediata autem ex Ecclesiae

præcepto? vel immediatè ex Ecclesia præcepto? aliqui affirmant hoc secundum, loquendo de Clericis non Regularibus; quia ex illo in his immediatè provenit ea obligatio, ex qua in iisdem nascitur inhabilitas ad validè contrahendum matrimonium; sed hec immediatè nascitur ex Ecclesiae constitutione. Nec enim (ut notat Gloss. in c. *Unico*, de Voto in b. V. sacri Ordinis) suscipiendo sacram ordinem vorvit, se castitatem servaturum; ubi subiungit: *alia est causa Clerici; alia Monaci.* Eandem distinctionem supponit Trid. Sess. 24. de matr. Can. 9. dicens: si quis dixerit, Clericos in sacris ordinibus constitutos, vel Regularis castitatem solenniter professos, posse matrimonium contrahere, contrariumque validum esse, non obstante lege Ecclesiastica, vel Voto, anathema sit. Nam ex hoc satis aperte videtur deduci, obligationem Voti pertinere ad Regulares; obligationem præcepti vero ad Clericos in sacris non Regularibus, id, quod non tantum indicat particula, vel, disjungens obligationem legis ab obligatione voti; sed etiam diversa utriusque ratio, quam considerat Gloss. in p. preced. Et ideo S. Thomas 2.2. q. 88. a. 11. poneus inter Clericos in sacris non regulares, & inter regulares maximum discrimen, ait: respectu religiosi, solenni voto castitatis ligati, Papam non posse dispensare, in quantum continentia est essentialiter annexa; quod non contingit in susceptione ordinis sacri; hinc enim sic inferit: *Unde videtur, quod per Ecclesiam possit dispensari in voto continentie, solennizato per susceptionem ordinis sacri.* Nam illud, huic non est essentialiter annexum, ut constat ex eodem. n. 943.

Verum probabilius est, obligationem 945. continentia, quam habent Clerici non regularis, in sacris constituti, immediatè à voto, mediata à præcepto Ecclesiae provenire, in casu, quo votum faltem tacite emissum est. Hanc conclusionem ex professo probavimus lib. 3. tit. 3. de Cleric. conjugat. & ita docet Sanchez. l. 7. b. c. d. 27. n. 10. & ratio ex usu argumenti, pro contraria opinione propositi: nam ex illo immediate in Clericis non regularibus, qui constituti sunt in sacris, provenit obligatio continentia, ex quo immediatè in iisdem provenit inhabilitas ad validè contrahend-

trahendum matrimonium; at hæc inmediatè provenit à voto *solenni*, in quantum solenne est, ut expressè habetur in *c. Unico de Voto in b.* ergo. Min. constabit ex *num. 971*. Hoc ad minimum procedit in casu, quo votum *saltē tacitè* emissum est; hoc est, quando quis suscipit ordinem sacram, prout tenetur ex mente Ecclesiæ; hac autem taliter ordinando exigit promissio nem, seu votum continentia, ut ostensum est dict. *l. 3. tit. 3.*

**946.** Nec obstat Gloss. cit. superius in *c. Unicum*; ea enim aliud non vult, quām, quod suscipiendo sacram ordinem non voventur explicitè, se castitatem servaturum. Ad illa verba ejusdem: *alia est causa Clerici, alia Monachi*, Resp. non intendi à Glossa discrimen inter eos ex hoc sumendum, quasi Clerici non regulares, qui sunt in sacris, non ex voto tenerentur ad castitatem; secūs, Regulares: sed *ex hoc*, quod licet ambo ex voto, magno tamen illi ab his discrimine teneantur: nam regulares tenentur *ex voto*, quod est de *essentia status Regularis*; non regulares *ex voto*, quod non est de *essentia status Clericalis in sacris*, sed huic statui solum extrinsecus annexo lege Ecclesiæ.

Nec obstat S. Thomas; nos enim, non negamus, eam obligationem in Clericis non Regularibus provenire *ex Ecclesiæ statuto*, prout hoc intendit S. Thomas; sed solum dicimus ex Ecclesiæ statuto provenire *mediati*, nimirum mediante voto, quod non est de *essentia* illius statutū, prout est in Regularibus, id quod S. Thomas ipse satis insinuat in verbis propriis *n. 943. & seq. relatis*, ubi Papæ solum negat potestatem dispensandi cum Religioso, ratione voti solennis de continentia, in quantum regulari statui *essentialiter* est annexa, non Clericali. Unde ex iisdem D. Thomæ verbis colliges, non doceri ab eo, summum Pontificem non posse cum Religioso castitatem soleniter professo dispensare ullo modo; sed tantum, in quantum continentia Regulari statui est *essentialiter* annexa; seu pro sensu composite retenti statutū regularis, nimirum dispensationem, seu immunitatem ab obligatione servandi castitatem compонendo cum statu Regulari *essentialiter*

connexo (vel rectius *essentialiter* indi denti) obligationem servandæ castitatis; secūs enim est *pro sensu diviso* statutū regularis, nimirum per dispensationem faciendo, ut dispensatus non sit regularis.

Quæstio est, §. an matrimonium *natum* tantum per subsequentem suffectionem sacri ordinis dirimatur? Resp. negativè. Nam et si haec vis infinito religiose professioni in Religione per fidem Apostolicam approbata speciali favore statutus Religiosi, ut dicimus infra; id tamen expressè negatur ordini sacro à Joan. XXII. in *Extrav. Antiquæ de Voto*, ibi: Antiquæ concertationi finem cupientes impônere ac animarum periculis inde provenientibus salubriter providere, de fratribus nostrorum consilio *presenti declaramus editio*, quod, licet votum solennizatum per sacri suffectionem Ordinis, quantum ad impedientium matrimoniū contrahendum, ac ad dirimentum, si post contractum fuerit, secundum statuta canonum sit efficax reputandum: ad dissolvendum tamen prius contractum, etiam per carnis copulam non fuerit consummatum (quum nec iure divino, nec per sacros reperiamus canones hoc statutum) invalidum est censendum: auctoritate Apostolica districtus inhibentes, ne quispiam durante matrimonio, nondum eriam consummato aliquem de sacris Ordinibus presumat suscipere, nisi prout sacris Canonibus noverit convenire. Et ideo mulier, maritum et invita sacris, etiam presbyteratus ordine initiatum cum uxoris iniuria, ad coniugium revocare valide, licetque posset. Sic Vincentius de Justis. *l. 2. de dispens. matrim. c. 13. n. 26.* Et constat ex cit. Extravag. ubi postquam Pontifex statuit, ne durante matrimonio eriam non consummato ullus presumat accipere aliquem de sacris Ordinibus, & si secūs fecerit, nec dissoluto matrimonio in illo ministrare possit, nisi aliquam Religionem ex approbatis ingrediatur, & in ea profiteatur; subjungitur: si post monitionem renuerit, ipsum (si sponsa ejus institerit) per censuram Ecclesiasticam compellendum decernimus contractū matrimonium consummare.

Quæstio

Quæstio est 6. an, qui suscepisset sacram ordinem sine animo se ullo modo ad servandam continentiam obligandi, nihilominus suscepito tali ordine ad illam teneretur? Affirmativam sequitur Farinacius, & alii, quos citat de Justis. lib. 2. t. 13. num. 29. Nam, qui vult ordinem, necessariò vult votum; qui enim vult antecedens, vult etiam necessarium consequens. Verùm hæc ratio non probat; quia ordini secundum se non est essentia liter annexum tale votum; procedit ergo solum in casu, quo quis vult ordinem juxta legem Ecclesiæ à suspiciente sacram ordinem observandam, quare ordo secundum se non est antecedens, necessariò illativum voti.

De Justis cit. n. 30. ait, quod, licet talis non teneatur ratione voti immediate, cum verè illud non emiserit, teneatur tamen ad castitatem servandam ex lege Ecclesiæ; quæ, quamvis immediatè non præcipiat, ut ordinatus in sacris castitatem server, tamen mediata ad castitatem obligat. Prima pars omnino ceteris probabilior est. Nequit enim aliquis ligari voto, sine suo consensu; cum votum sit lex privata, quam quisque sibi liberè imponit; ubi autem adest efficax animus, talem sibi legem non imponendi, nequit esse talis libera impositio; ergo nec votum; ita Sanchez. cit. n. 13. quoad secundam partem (an, licet talis in ea hypothesi non teneatur ad castitatem ex voto, tamen adhuc teneatur mediata ex Ecclesiæ statuto, ut vult de Justis cit.) ex eo difficitas est; quia si obligatio castitatis erit immediatè ex Ecclesiæ statuto, id quod negat Sanchez. cit. n. 10. & tunc nihil erit, quo mediante statutum Ecclesiæ ad castitatem obliget, quod tamen afferit de Justis; non enim potest obligare mediante voto; cum, ut ponit casus, nullum emissum sit; nec etiam mediante suscepito ordinatur; quia ordo ex se ad castitatem non obligat.

Deinde sic sponte ordinatus in sacris, & conscius annexæ obligationis promittendi observanciam castitatis, duplice obligatione adstringeretur ad castitatem; unâ ex voto; alterâ, ex Ecclesiæ statuto, quod stare possit in casu proposito, sine

Tom. IV.

voto; hoc autem dici non potest, 1. quia sic reverè immediatè à statuto Ecclesiæ foret obligatio continentiae contra n. 945. ergo non mediata. 2. sic constitutus in sacris, committens fornicationem, dupli malitia, ultra fornicationem peccaret; unâ, contra preceptum; alterâ contra votum. Maj. autem constat; si enim non esset duplex obligatio, nulla remaneret, præcisè sublatu voto: sed his non obstantibus,

Resp. ordinatum in sacris cùm ex- 951.

presso, ac efficaci animo non vorendi castitatem, carere quidem voto in actu, ut diximus n. 949. non autem in debito; quia per hoc non deficit preceptum obligans ad vorendum; hoc autem mediante, taliter ordinatum, etiam in casu voti non emissi in actu, mediante debito illud emitendi, tenere ad castitatem; nam qui habet debitum aliquid praestandi, mediante tali debito, abstinere obligatur ab omni actu contra id, quod est in debito; sed in hoc casu votum castitatis est in debito; ergo mediante tali debito abstinerre obligatur ab omni actu contra votum castitatis; ergo mediante tali debito, tenetur adhuc servare castitatem.

Ex hoc patet ad rationem dubitandi. 952.

Nam licet ille ordinatus in sacris, cum positiva voluntate non vorendi castitatem, in eo casu non teneatur ad castitatem ex voto in actu, seu jam emissio: tenebitur tamen ex voto in debito, seu ex obligacione emitendo. Obligatio enim emittingi votum castitatis, prohibendo illi omissionem voti, prohibet consequenter etiam actus contrarios ei, quod est in debito; hæc autem obligatio relatè ad actus voto contrarios, est solum mediata ac indirecta; immediatè enim ac directè petit votum, ut rectè notat Sanchez. cit. lib. 7. bie d. 27. n. 15.

Ad alterum Resp. non sequi duas 953. distinctas obligationes; sed unam immediatam ad vorendum, quæ mediata solum est respectu castitatis servandæ, mediante nimis debito ad votum emittendum. Nec transgressio hujus obligationis contrareretur hoc casu aliam malitiam ultra fornicationem, nisi simul oppositam precepto, quod respicit finem religionis

Ii

sequitur

æquè, ac votum ex præcepto debitum, quod non est in illis casibus, ubi debitum obligationis est alterius virtutis à fine præcepti: at in hoc casu præceptum, emitendi votum, & votum præceptum, respiciunt eundem finem Religionis: Ergo.

954. Cæterum probabilius dici potest cum Castropal. p. 4. tr. 27. d. Unica. p. 17. n. 5. in Clericis non Regularibus, qui facris initiati sunt, obligationem servandi castitatem non solum immediatè ex voto, sed etiam ex speciali lege Ecclesiæ provenire, sed sub diversa circumstantia; ex illo, cùm votum emissum est; ex ista, si votum vel ex ignorantia, vel malitiosa non emissum est; quare lex Ecclesiæ, separatim, seu seorsim à voto, ad castitatem obligans, obligat solum sub conditione voti emissi; ad votum emitendum autem absolvit. Quod autem Ecclesia ordinato in sacris, etiam non emisso continentia voto, imponat obligationem servandi castitatem, variis textibus Ecclesiastici juris probat Castropalaus cit. n. 5. addens, receptam Ecclesiæ Latinæ consuetudinem, separantis ab Uxoribus eo ipso omnes, qui facris initiati sunt. c. Presbyteris. c. diaconis. dist. 27. c. Propositi, dist. 28. c. 1. Et per totam causam. 15. q. 8. c. à multis de estate, & qualitate. c. Ut Clericorum, de Vita, & honeste. quo loco id fuisse declaravimus.

955. Ex hoc autem pater altera responsio ad rationes dubitandi à n. 950. Respondeatur enim obligationem servandi castitatem, quæ incumbit Clericis non Regularibus, postquam facris initiati sunt, immediatè provenire à voto, mediata à præcepto, ubi votum emissum est, ubi autem prætermissum juxta casum in n. 949. immediatè à præcepto. In casu igitur voti emissi præceptum est solum conditionatum, & immediatum respectu servanda castitatis; absolutum autem & immediatum respectu castitatis in casu voti prætermisso. Et ideo in n. 945. expressè dixi, conclusionem procedere in casu, quo votum saltem tacite emissum est.

956. Hinc resolvi potest quæstio, an Clericus non Regularis liberè Ordinatus in

sacris, voto continentali per malitiam non emissio, inhabilis sit ad matrimonium jure, seu validè contrahendum? Negandum videtur ex eo, quia esto in tali causa five mediata, five immediate vi præcepti Ecclesiastici teneatur ad servandam castitatem; præceptum tamen illud ratione, sui præcisè non inhabilitat ordinatum, sed solum ratione voti, quod in ea circumstantia emissum, Ecclesiæ constitutione, solemnizatur; cùm ergo in dato casu deficiat voti solemnitas, etiam deficit inhabilitas. Sed Resp. quod constitutio Ecclesiæ non inhabilitet ordinatum, ob reverentiam voti sed ob reverentiam statutus Clericis assumpti, quem oportet ab operibus carnis omnino esse sejunctum; mediata quidem, ubi votum in eo actu emissum est, aut postea, saltem tacite, seu facta ratificatione, immediatè vero, ubi hoc est prætermissum. Nam ex hoc habet Ordo sacer, quod explicit distinctum impedimentum dirimens matrimonium, ab impedimento voti, ceteroquin numerandus solum sub impedimento voti. Ex quo patet ad quæstionem responsio affirmativa.

Ad rationem in contrarium Resp. 957 cum dist. anteced. præceptum tamen illud, ratione sui præcisè, non inhabilitat immediata ordinatum, in casu voti emissi, C. voti prætermisso. N. ant. Unde licet in dato casu deficiat solemnitas, immediata nascentia à præcepto, in casu purificate conditionis, si votum non emitteretur; adhuc tamen starer reverentia statutus assumpti, quem respicit præceptum facris initiatos inhabilitans, etiam voto non emissio.

Hinc colliges, quod, esti obligatio 958 ad servandam castitatem esset ex solo præcepto Ecclesiæ in Clericis non Regularibus, & non ex Voto, talis tamen Clericus, commissa fornicatione, in confessione tenetur explicare non tantum fornicationem, sed etiam circumstantiam, quæ fornicationem talis personæ transfert ad novam specie malitiam, ratione subjecti eam committentis, quod est, esse constitutum in facris; hoc enim importat circumstantiam præcepti Ecclesiastici hoc casu violati per actum oppositum virtuti, cuius finem directè respicit Ecclesia præceptum, obligans ejusmodi Clericum, ad vovendam castitatem.

castitatem; finis autem illius præcepti est Religionis, seu DEI cultus à Ministro præstandus etiam puritate corporis, ut tenet communis.

Quod autem Ecclesia revera præcepit, ut promovendi ad ordinem sacrum, castitatis votum emitant, probavimus l.3. & fuisse ostendit Sanchez. cit. n. 10. nullum facere Diaconum præsumant Episcopi, nisi qui servitum castè promiserit. c.1. disp. 28. ubi Gloss. V. Promiserit, ait, expressè vel tacitè, &c. Cum olim. 6. de Cleric. conjug. ibi: nos igitur attendentes, quod orientalis Ecclesia votum continentia non admisit: ubi clare supponit, in Ecclesia Occidentali, quæ est Latina, id votum ordinibus esse annexum. Et tametsi verum sit, obseruantiam castitatis esse rem solius consilii, non præcepti, ut constat ex I. Corinth. 7. & tanquam virtus observatus difficillima præcipi nequeat absoluto jure Ecclesiastico; arg. c. Erit autem distinctè. 4. potest tamen ex suppositione, cuius amplexum, cuivis liberum relinquit, qualis est suppositione, quod quis liberè amplecti velit statum Clericalem in sacris.

Ex dictis colliges, liberè suscipientem aliquem sacrum ordinem, eo ipso tacite votum servanda continentia emittere, quod liberè velit suscipere talem ordinem, prout obligatur ex mente Ecclesia, non tantum attingente substantiam Ordinis, sed etiam reliqua in ejus susceptione præcepta: sic enim manifestum est, quod tacitè velit promittere castitatis obseruantiam; cum hæc promissio sit unum ex iis, quæ præcepta sunt in Ordinis susceptione. Et hoc procedit, licet (recipiens sacram ordinem) ignoraverit, hoc præceptum susceptioni ordinis sacri annum; sufficit enim, quod efficaciter voluerit susceptionem Ordinis, prout est sub obligatione recipientis.

Et ideo, si ea voluntas efficax est, quæ vult recipere sacram ordinem, sicut vult Ecclesia, et si adstans animus non voventi castitatem, hic animus inefficax erit, nec impediet tacitam emissionem voti. Nam inter voluntates contrarias ea prævalet, quæ efficax est; at voluntas recipientis sacram ordinem, & præstandi omnia, quæ in tali actu præcipit Ecclesia (inter

quæ est, vovere castitatem) ponitur efficax; ergo. In dubio autem, an prima voluntas fuerit efficax? in foro pœnitentiali standum est intentioni pœnitentis; in foro fori præsumitur efficax; sic enim ordinandi recipere ordinem debent, & solent; & ignorantia juris clari, prout est hic, non præsumitur.

Quæstio est 7. an infans in sacris ordinatus ex hoc contrahat obligationem castitatis perpetuae? Resp. posse quemadmodum in sacris ordinari ante usum rationis; haberet ex clinic. de Clerico per saltum promoto; tali tamen causa ordinatus non contrahit obligationem servandæ continentia; non ex votō in actu; quia tale neendum emittere potuit defectu libertatis, quæ non stat sine usu rationis: nec ex voto in debito; quia tunc non erat capax obligationis ex præcepto: non etiam ex natura suscepiti ordinis; cum hoc sit extra naturam ejus, & essentiam ex dictis. Et ideo talis validè init matrimonium, quia susceptus ordo sacer non dirimit matrimonium, nisi ratione voti solennis in actu, aut præcepti, quo gravatur scienter volens in sacris ordinari, nec ad castitatem obligat, nisi ratione voti, vel actu, vel in debito: at neutrum habet infans in sacris ordinatus; ergo. Excipe tamen, nisi usum rationis adeptus suam ordinationem juxta mentem Ecclesiæ, ratificaverit expressè, vel tacitè; sic Barb. in cit. c. Unic. n. 7. & alii.

Quæstio est 8. an impuberis, liberè 963. suscipientes ordinem sacram juxta leges Ecclesiæ, nec positivè animum vovendi excludentes, contrahant obligationem servandi continentiam? Resp. probabilius esse, quod sic. Nam hoc ipsos, quod quis liberè, ac efficaciter, velit suscipere sacram ordinem, quin positivè excludat animum vovendi, tacitè emitit votum castitatis, solennizatum. Nec obstaculum inhabilitas emittingendi solenne votum castitatis in impubertate per professionem religionis. Nam hoc non est ex jure naturali, sed tantum positivo; ab hoc autem non rectè deducitur paritas ad solenne votum castitatis per susceptionem ordinis sacram. Alias etiam valeret, ut hoc ipso censori deberet dispositum de suscepto sacro ordinamento.

ordine quoad vim dirimendi matrimonium ratum tantum, prius initum: quod particulari jure in hoc dispositum est de professione religiosa, cuius tamen contrarium est ex n. 947.

Et ratio est, quia jus positivum, præsertim humanum, valde raro in his, quæ jure naturali, ac divino permissa sunt, disponit aliquid ex rei natura secundum se, seu ex causa, in quantum necessaria est, & communis omnibus sub ea contentis, (qualiter rectè concluditur, hominem posse sentire, quia animal est) sed ex ea solum relatè ad circumstantiam casus particularis, non communem aliis; alias dispositum de crimine læsa Majestatis in personam humani principis, ut prius jure asyli Ecclesiastici, eo ipso, & à fortiori etiam esset dispositum de crimine læsa Majestatis divine, contra claram constitutionem Gregor. XIV. incip. Cùm alias nonnulli, de quâ in supra dictis frequens mentio facta est.

964. Quæstio est 9. an contraheret obligationem servandi castitatem, ac impedimentum dirimens matrimonium ordinatus ex metu cadente in constantem virum iustè incusso, directè ad facri ordinis receptionem? Resp. hanc quæstionem pendere ab illa, an Ecclesia tales, in simili casu, intendat obligare ad votum emitendum? aut eo prætermisso, ad servandam castitatem, eriam in hoc casu eos inhabilitando ad matrimonium? si votum jure naturali est invalidum, ubi ex tali metu extortum est, certum est, tunc Ecclesiam non intendere, ut, ordinem facrum suscipiens, votum emitat: si validum? non obstante injuriâ tam gravi, probato tali metu, justè votum sic ordinato remittitur; quod etiam dicendum venit in casu, quo reverâ non voveret, quod preceptum obligans in hac suppositione voti non emitti. Cæterum mihi probabilius videtur, in tali casu non esse de mente Ecclesie, tam justè invitum, & solum iniquè coactum ad amplectendum statum Clericalem in sacris, vellet aut mediare, aut immediatè obligare ad castitatem, aut inhabilitare ad matrimonium; cùm hoc videatur repugnans

intentioni tam benignæ matris in talibus circumstantiis.

Quæstio est 10. an Ordo facer invide susceptus idem impedimentum praestet, quod susceptus validè? Resp. negativè. Nam effectus ille, seu impedimentum nascens ex liberè suscepito facio ordine non per se, sed solum accessoriè, sequitur ex consensu in susceptionem faci ordinis, juxta mentem Ecclesie; cùm sit consensus solum tacitus in accessoriis. Nec obstat, Conjuges Religionem invalidè professos adhuc teneri ad castitatem statui congruam; nam profitendo Religionem, exprefſe vovent castitatem, consequenter voluntatem suam valere volunt, qualiter potest; sic Castropol. cit. num. 7.

## ARTICULUS II.

*De impedimento ex Voto.*

Etsi potissima difficultas sit de *solemni voto castitatis*; de aliis tamen etiam votis non solennibus dubitari potest. *Solenitatis voti castitatis*, in quantum votum reddit inhabilem ad contrahendum subsequens matrimonium, ex Ecclesiæ constitutione habetur per hoc 1. quod tale votum emittratur, vel in actu, vel in debito, dum quis initiatur ordine sacro. 2. quod emittratur, actu professionem emitendo in Religionem per sedem Apostolicam approbata; Constat ex c. Unico de Voto in 6. in sequentibus magis explicando.

### §. I.

*An & quale impedimentum matrimonii praestet votum simplex?*

Prima quæstio est de simplici voto *castitatis*; ad quam Resp. 1. quod simplex votum castitatis, seorsim à reliquis cum illo emissis, emitentem verè, ac propriè constituentibus Religiosum, & que, ac apud alios id praestet professio, praestet impedimentum solum impediens, non autem dirimens matrimonium contrahendum; habetur exprestè in c. Rursus. 6. b. t. ibi: c. 11.